

PŘEDSŁOWO

Chceš-li póznać serbske powójske pismowstwo, dyrbiš znać politiske a hospodarske wobstejnosće teje doby, dyrbiš wědźeć wo wuměnjach, pod kajkimiž su serbscy spisowaceljo so wuwijać a pisać móhli.

Narodne wědomje přez lětstotki teptaneho serbskeho ludu so po rozraženju fašizma přez Sowjetske wójsko džen a bóle zesylni a mócne narodne hibanje wuwabi. Politiske poměry so wšědnje bóle skrućichu. Domowina bu z připóznatej zastupjerku serbskeho luda. Jeje prócowanje wo wozrodženje serbskeje ludoweje kultury dósta wulku podpěru předewšěm ze strony tehdyšeje sowjetskeje wobsadki, kaž tež ze strony demokratiskich němskich mocow, wosebje strony SED.

W léće 1945 njeměješe serbski lud ani swojeje čišćernje, ani serbskeje literatury, ani serbskeje šule. W njesprócnym a njewustajnym džěle poradzi so w léće 1947 natwarić nowu čišćernju a přihotować čišć nowin a serbskich knihow.

Wučerski wustaw w Radworju a kubłarnja młodžiny w Chrósće wukublaštej w samsnym času młode kadry za serbske džělo w zjawnym žiwjenju. W młodžinskich skupinach na kraju wuwijaše so pilne lajske kulturne džělo.